


繹

志

附劄記

一





志 釋

記 割 附

(一)

撰 諾 承 胡

重刻繹志敘

去聖日遠。異學爭鳴。漢劉子政氏。敘錄七略。甄綜九流。儒家之言。六藝筭鑰。然而周秦諸子。持之有故。言之成理。有述者之明。擷蕪纈。擷菁英。羣言淆亂。則衷諸聖。何嘗不同流而共貫也。顧非行已昭焯。入理堅凝。事變周知。心智完密。則擇言駁度。事偏至。使讀其書者。以闕疏爲詬病。嘻。已。法言中論而下。箸錄日繁。其於聖學。或合或否。宋五子者。依經立教。辨學去非。所箸書繁簡不同。同厥體用。源流日分。各傳其師說。標一時之論。則不備。持一字之旨。則不純。備矣。純矣。而言不文者。行亦不遠。儒家盛衰。大道之盛衰也。箸於行事者。尙矣。空言可託。則不爲一時用。且爲百世師。何如其大。何如其嚴也。抑又聞之。兼善者。儒者之志。垂教者。儒者之澤。有其遇。則功立。無其遇。則言立。國朝立功之儒。有湯文正、李文貞、陸清獻、張清恪。立言之儒。有顧亭林、黃黎洲、張楊園。諸先生。吾楚承嶽麓之教。衡山有王而農氏。天門有胡石莊氏。學不後於羣儒。而聲稱闡如。二百年間。遺書若存若亡。王氏之學。浩博。書數百卷。鄧湘皋學博。表之於前。曾沅圃中丞。章之於後。今且風行海內。踔厲奮發之士。興起焉。胡氏之學。精深。書數十卷。李申耆大令。得其稟。復佚其半。刊行未久。傳本日尠。昌濬讀而敬之。信之。付浙江書局。重刻以廣其傳。亦願趨嚮敦樸者。得師資之益也。且王氏說經之書。前上於朝。箸於四庫。胡氏繹志。遲久始出。所謂不絕如綫者也。王氏博辨縱橫。自成一家言。繹志六十篇。左右采獲。博極羣書。自諸子百家。與夫史策名言。文章精詣。蔑不貫串。而衷於

周、程、張、朱以爲之歸脩齊治平本末無不具。朝野今古變故無不盡。文詞爾雅義理平實學者可以鑒飫涵泳其間。昌濬竊推燁其指要曰崇實曰復禮合轍聖塗而爲儒術之上流者蓋在是與。蓋在是與。同治十一年孟秋湘鄉後學楊昌濬譔。

序

釋志十九卷。六十一篇。爲文數十萬言。竟陵胡先生石莊所述也。竟陵今爲天門縣。先生名承諾。明崇禎間。舉于鄉。國初。一謁選吏部。以老疾辭歸。閉戶六年。始成是書。先生之學。達于身心倫紀。禮樂刑政。陰陽五行。吉凶悔吝之幾。及古昔治亂。賢姦用舍。世事情僞。所以隆替起伏者。故其言質而不竅。博而知要。反復而切至。條疏而亮直。欲以正人心道術。頗汎濫于諸子百家。而折衷于聖人者也。其本末始終。多見自敘。與其時天門尹李君念慈序中。當先生之成是書也。不惑于毀譽。不憂于堙鬱。晝夜孜孜。務窮盡其所蓄。抑可謂信道篤而知體要者矣。夫晚周至今。材智蠹起。學術益歧。其初莫不殫殫精力。紛箸書講說。代積雖遠。而言議明通。道藝衍遂。不舛馳于先王。不過數家者。何哉。古人之于學也。其脩于身者。仁孝忠誠。德業箸矣。而天人之間。盈虛消息之理。所以殽于性命。而施于刑德者。不探其精微。道猶未至也。名物度數制作之中。聖賢之微文要義。所以統于奧蹟。而列于蕃變者。不窮其損益因造。知猶未致也。德成于身。而道貫于中。然無堅固之守。龔卓之見。辨論鉅細。雖當于理勢。有亢厲倨詭之言。而無深造自得。從容中道之實。君子猶慮其學之未正。識之未峻。是以又在乎詞之粹焉。易曰。樂則行之。憂則違之。確乎其不可拔者。詩曰。溫溫恭人。惟德之基。蓋言其學之正。識之峻。詞之粹也。學識之不明。爭名之心競。襲性理之虛言。昧問學之閎廓。不權時勢。不求典禮。祖尙膚末。其弊至于迂陋矜誕。矯其失者。徒沾沾考校于古書傳。

記同異得失。義利之不辨。氣節之不脩。材器蒙墮。而人士益卑靡無用。凡此非僅侈于爲人。不知守約之過也。故余以爲自前明來。書之精博。有益于理道名實。決可見諸施設者。惟顧氏日知錄。與先生是書爲魁傑。而惜乎是書晚出。知之者鮮。卽知矣。尊信者不易。顧其言不可一日不昭焯于天下也。余初欲少刪其繁近。益恢其端深博。大旣不果然。卒亦何損其盛美。武進李先生申耆。前得是書而重之。後幾遺佚。去年用亟謀于婁東顧君竹泉。刻于江陰。以余亦尊信是書。命少疏列其悞意。余學識顓固痺隘。罔克測豪末。所以惓惓樂道者。紬繹旣久。頗恨不獲親質于賢碩。又欲附是書。使名見于後世云。道光十七年正月十九日丁酉寶山毛嶽生譔。

釋志原序

晚季風氣寢薄。人鮮實學。百餘年來。海內文人墨士。作爲詩文。自表見者。雖巨細淺深不同。率不下數十百家。皆附緣情事。以立論敷詞。篇什短小。易于結構耳。求其無所附緣。而自成一家之書。蓋罕聞焉。又嘗論之。自荀列而降。世所述諸子。多各是其是。務爲高論善辨。騁才以遂其所見。意嚮詭僻。其背戾于聖人之指者。往往然矣。矧能內之極性命之精微。外之備經世之大法。近之在乎一身。而遠之俟諸來葉者乎。竟陵胡石莊先生。自明崇禎間。蚤領鄉薦。入興朝。無意禮闈。乃謁選部。旣序名。當除授。復就部告老。以孝廉之身。全歸勝國。以放還之恩。勾諸本朝。不忤于時。無羨于世。歸臥天門巾。柘間。足不出戶庭。窮年誦讀。于書靡所不讀。而深自韜晦。所著有菊佳軒諸詩。皆宏深奧博。不屑爲新穎秀發。以趨時尚。至其稽古準今。本領著作。則人莫得而知焉。念慈宰竟陵時。曾不得數接見于先生。旣辭官復來。寓居比隣。亦僅得讀先生之詩。亡何先生歿。念慈亦暫歸里門。乙丑再至。乃從嗣君嘉言。襲所求得。先生所著釋志若干卷。則洋洋灑灑。自志學明道。逮尙論廣徵。爲目凡六十有一。中間由聖賢脩身立命。以及帝王任官行政。制事治人之措置。施爲。名臣賢士之所以持躬成業。凡民之所以居室盡倫。兼綜條貫。靡不原本道法。切近人情。考據古今。推準時會。凡三十餘萬言。體之可以脩身。可以治天下。要之本十三經。博稽漢史。囊括荀楊文中。折衷周程。張朱之說。其學務爲有用。其論不雜奇詭。念慈始若觀海。望洋而恨。未得受是書于先生。

生存之日。問辨講習焉。然使先生至今在。則此書終不肯示人。念慈又烏得讀也。所苦客裝微薄。不能亟謀梨棗。以公天下。後世乃手鈔而笈攜之。竝略序其管蠡之見。以歸之嘉言。此書在天壤。先聖先賢之靈。其式憑焉。會當有知而傳之者。嘉言其毋以湮滅過慮可也。念慈所見于先生者。尙有讀書說若干卷。與是篇相表裏。而特不分條目。殆是篇取材之餘乎。亦必傳之作也。康熙二十有八年歲次己巳十二月上浣二日。前竟陵令涇陽李念慈書于澠池道中雨雪旅次。

序

九流之家。多明一孔。不求賅備。隨舉所得。或源流不分。自唐以來。獨儒家者流。綜輯者衆。因分數家。曰故實。曰經說。曰校訂。至宋而經說家。又有心性章句之分。則兼故實以爲證明。兼考訂以爲參稽。各因其才之所近。而泛濫焉。大抵繁而無統。雜而不貫。駁而不醇。求所謂有始有卒者。蓋其難哉。國初石莊胡先生。以勝國遺老。殫心聖真。統百氏同異。衷之以道。本躬行實踐之所獲。研精覃思之所幾。非聖賢之志不敢存。非聖賢之言不敢言。通會其立體致用之始終。而該貫乎百爲萬行之當否。近而日用動靜。倫常物則之間。遠而紀綱彝憲。彌綸宇宙之範。如指諸掌。如券以符。有說苑新序。法言申鑒。人物志潛夫論。中說之宏肆。而精粹過之。有正蒙近思錄。讀書錄。呻吟語之醇明。而條貫過之。可爲大學之義疏。論語孟子之廣註。有志斯道者。亦彬彬可觀矣。申耆先生。得是書而寶之。蓋幾失而復得焉。錫麒恐其遂湮也。矧手民壽諸梓。使來學皆得究心。亦冀先生勤勤誘誨之盛心。于茲不負云爾。婁東顧錫麒序。

序曰石莊先生字君信。竟陵人。明崇禎丙子舉人。見湖廣通志文苑傳。予家舊藏先生讀書錄寫本四冊。有柴虎臣先生跋。文體類淮南。抱朴。鱗雜細碎。隨事觀理而體察之。竊甚愛焉。尋爲友人借觀亡之。深以爲恨。後于故書肆亂書中得繹志檢之完具。甚喜。亟收之。思重錄一本。以爲流傳地。道光元年在揚州。方令鈔胥寫之。未竟一冊。而四川龍燮堂觀察過訪。龍有活字板。喜刻書。已成大帙。如郡國利病書之類者數種。向予索未見書之宜板行者。予以爲莫若繹志。龍意以不見四庫書目疑之。予謂此書出較後。收四庫者不及收耳。若論其書。則貫通古今。包合宇宙。不敵之纂述也。龍遂欣然將去。約半年當集印并原本見還。去後閱六七年。了不相聞。一日其從子某忽至江陰。遺書數種。而無燮堂書。閱其書皆非。問之則云。未見刻此書。予乃遺書索之。時江陰錢君一士作令四川。屬其尋問。錢復書云。龍已死。問之其子。云此書當在京師徐星伯處。蓋星伯故識龍。予疑龍或以書質。復書問星伯。而星伯書來云。未見予。深惘然。以石莊二書皆由我而亡。地下能無遺恨。甲午之秋。忽得一士書云。龍之子以此書屬寄。發書視之。如故人重見也。狂喜累日夜。適常熟許伯堅少府過予。予爲述之。以當歡笑。伯堅去述之于所識婁東顧君竹泉。竹泉聞予之嗜之也。欣然曰。是書所遭如此。不及今刊行。恐後遂湮沒。亟出重貲。屬予校而刊之。是書自是有傳本矣。幸哉。先生之書醇明宏達。近古所不及。其精神自當不敵而

成書至今垂二百年。竹泉始傳之。竹泉之于先生。亦可謂神交。不第緣會已也。而彌恨讀書錄之不可復見也。或者先生之靈陰相之。使得復合。則尤幸之幸哉。道光十七年歲丁酉三月朔日戊寅刊成。附識于後。武進李兆洛記。

釋志目錄

卷一.....一

志學篇第一

明道篇第二

立德篇第三

卷二.....一九

養心篇第四

修身篇第五

卷三.....二九

言行篇第六

成務篇第七

辨惑篇第八

卷四.....四九

聖王篇第九

聖學篇第十

卷五.....五九

至治篇第十一

治本篇第十二

卷六.....八三

任賢篇第十三

去邪篇第十四

大臣篇第十五

名臣篇第十六

卷七.....一一一

諫諍篇第十七

功載篇第十八

吏治篇第十九

選舉篇第二十

朋黨篇第二十一

辨姦篇第二十二

卷八.....一三一

教化篇第二十三

愛養篇第二十四

租庸篇第二十五

雜賦篇第二十六

導川篇第二十七

敕法篇第二十八

治盜篇第二十九

卷九.....一六一

三禮篇第三十

古制篇第三十一

建置篇第三十二

禮祥篇第三十三

卷十.....一九一

兵略篇第三十四

軍政篇第三十五

武備篇第三十六

名將篇第三十七

興仁篇第三十八

卷十一……………二二五

凡事篇第三十九

立教篇第四十

論友篇第四十一

人道篇第四十二

出處篇第四十三

卷十二……………二四七

取與篇第四十四

慎動篇第四十五

庸行篇第四十六

卷十三……………二六三

父兄篇第四十七

宗族篇第四十八

夫婦篇第四十九

祀先篇第五十

奉身篇第五十一

養生篇第五十二

卷十四……………二八三

經學篇第五十三

史學篇第五十四

著述篇第五十五

文章篇第五十六

卷十五……………三〇一

雜說篇第五十七

卷十六……………三二五

兼采篇第五十八

卷十七……………三四五

尙論篇第五十九

卷十八……………三七五

廣徵篇第六十

卷十九……………四〇七

自敘篇第六十一